

四庫全書

史部

欽定四庫全書

欽定盛京通志卷二十九

城池一

奉天府各屬

興京

承德縣

遼陽州

海城縣

蓋平縣

開原縣

鐵嶺縣

復州

寧海縣

岫巖縣

鳳凰城

欽定四庫全書

欽定盛京通志卷二十九

城池

臣等謹案遼東西地自昔沿為郡國遼金以來  
升為上京中京東京建置諸城我

國家營始豐垣崇墉峻列

皇上履念

留都重地發帑興修百雉巍峩金湯鞏固作億萬年

丕丕基永垂無極至於前代闡壘設衛防邊遺  
址所存掌故宜備臣等詳稽臚載謹志城池第  
十二

欽定四庫全書

欽定盛京通志卷二十九

城池一

奉天府各屬

興京

城池詳見

京城志其境內諸城堡及歷代舊有城址分列於後

謹案

大清一統志凡前代舊建城堡分設防禦者均列入

古蹟今本志既分列城池一門凡歷代舊址可  
考者俱附注於篇其古蹟止載郡縣舊存名目

及名勝

諸蹟

### 鄂多理城

在

興京城東一千五百里

本朝最初建都於此實為億萬世

發祥重地事蹟謹詳載

京城卷赫圖阿拉注及山川卷長白山注 鄂多理

原作俄朵

里今譯改

### 古城

城西四里週圍一里一百二十步南一門建  
置年月未詳相傳為

開國時六城之一

事蹟

謹稽

實錄

興祖長子德世庫居覺爾察地次子留闡居阿哈和洛地  
三子索長阿居和洛鳴善地五子寶朗阿居尼瑪  
蘭地六子寶實居章嘉地分築五城與

景祖所居赫圖阿拉城相距近者五里遠者二十里兼稱

寧古塔貝勒



景祖長子禮敦英勇過人號巴圖魯時近地部落有碩色  
納者生九子俱强悍又有嘉瑚者生七子俱輕捷  
多力能身披重鎧連躍九牛

景祖第四子為

顯祖宣皇帝

顯祖嫡妃喜塔喇氏孕十三月而生

太祖高皇帝天表玉立聲若洪鐘儀度威重舉止非常國

人稱為

聰睿貝勒

薩爾滸城

薩爾滸國語解見奉天山川卷城西一百二十里週圍三里南與東各一門西

南西北各一門外城週圍七里四面各一門  
乾隆八年十九年

皇上東巡有

御製薩爾滸詩四十一年有

御製薩爾滸書事長篇四十三年有

御製題薩爾滸十二韻薩爾滸再題詩四十八年有

御製薩爾滸題句詩俱恭載

天章門

事蹟

謹稽

實錄天命五年十月自界藩遷於此城建軍民廬舍先是  
己未天命四年明集兵瀋陽號四十七萬分為四  
路劉綎康應乾督兵四萬合朝鮮兵出寬甸口馬  
林麻岩渚宗顏督兵四萬合葉赫兵出三公口李  
如柏賀世賢闔鳴泰督兵六萬由清河出鴉鶻關  
杜松王宣趙夢麟張銓督兵六萬由渾河出撫順  
闕期並趨我都城三月朔我西路偵卒遙見火光  
馳告而南路偵卒又以明兵逼境告

太祖即於辰刻

親率貝勒大臣統城中兵出而

命大貝勒代善前行時偵卒又以明兵出清河路來告大  
貝勒曰清河之界道途偏仄崎嶇兵未能驟至我  
兵惟先往撫順以逆敵兵遂過扎喀關與大臣扈  
爾漢等集兵以待時

太宗文皇帝稱四貝勒以祀事後至謂大貝勒曰界藩山  
上我築城夫役在焉山雖險倘明之將帥不惜士

卒奮力攻之陷夫役奈何我兵宜急進以安夫役之心大貝勒等善是言下令軍士盡擐甲日過午至太蘭岡大貝勒及扈爾漢欲駐兵隱僻地

四貝勒翫然曰正宜耀兵列陣明示敵人壯我夫役士卒之膽俾并力以戰何故令兵立隱僻地耶大臣額亦都曰

貝勒之言是也我兵堂堂正正以向敵人遂督衆兵赴界藩對明兵營列陣初衆貝勒兵未至我國防衛築

城夫役之兵僅四百人伏薩爾澥谷口伺明兵過  
半躡擊至界藩渡口與築城夫役合據吉林崖杜  
松結營薩爾澥山分兵圍吉林崖我兵四百率衆  
夫役下擊一戰而斬明兵百人及大貝勒

四貝勒至見明兵攻吉林崖者約二萬人又一軍列薩爾  
澥山巔乃議增千人往助四百兵於吉林崖俾自  
上馳下衝擊以右翼四旗兵夾攻其薩爾澥山之  
兵以左翼四旗兵當之遂遣兵千人登吉林崖

太祖至問貝勒等破敵策具以前議告

太祖諭先破薩爾滸山所駐兵是時我國近都城之兵乘善馬者先至乘駑馬者後至其數十里外者尚未至於是合六旗兵進攻薩爾滸山明兵列陣發鎗礮我兵仰而射之奮力衝擊不移時破其營壘死者相枕藉而所遣助吉林崖之兵自山馳下衝擊右翼二旗兵渡河直前夾擊明兵之在界藩山者短刃相接我兵縱橫馳突無不一當百遂大破其

衆明總兵杜松王宣趙夢麟等皆沒於陣橫屍亘  
野血流成渠其旗幟器械及士卒死者蔽渾河而  
下如流澌焉追奔逐北二十餘里至碩欽山時已  
昏軍士沿途搜勦者又無數是夜明總兵馬林營  
於尚間崖掘壕嚴斥堠鳴金鼓自衛我兵見之乘  
夜馳告大貝勒代善翼旦大貝勒以三百餘騎馳  
往馬林方拔營行見大貝勒兵至退回結方營環  
營掘壕三匝列火器俾習火器者立壕外繼列騎



兵以俟又開原道潘宗顏一軍距西三里外營斐  
芬山大貝勒見之遣人馳告

太祖時我國遠路之兵亦陸續至與大貝勒兵合明總兵  
杜松之後營遊擊龔念遂李希泌統步騎萬人駕  
大車持堅楯營於斡琿鄂謨地環營掘壕外列火  
器

太祖見之與

四貝勒率兵不滿千人分其半下馬步戰明兵發火器拒

敵

四貝勒引騎兵奮勇衝入步兵繼進遂斫其車破其楯明  
兵大敗龔念遂李希泌皆陣沒馬會大貝勒使至  
以明兵營尚間崖告

太祖不待

四貝勒兵引侍從數人往日中至其地見明兵四萬布列  
諭趣我軍先據山巔向下搏擊衆兵方欲登山而馬林營  
內之兵與壕外兵合

太祖曰是將與我戰也我兵且勿登山宜下馬步戰

命大貝勒往諭時左二旗兵下馬者方四五十人而明兵  
已自西突至大貝勒言於

太祖曰兵已至矣即怒馬迎戰直入其陣二貝勒阿敏三  
貝勒莽古爾泰與衆台吉等各鼓勇奮進遂敗明  
兵斬首捕鹵過當方戰時我六旗兵見之不及布  
列行陣人自為戰前後弗相待縱馬飛馳直逼明  
營明兵發鳥鎗巨礮我兵衝突縱擊飛矢利刃所

向無前明兵不能支又大敗遁走我兵乘勝追擊  
明副將麻岩及大小將士皆陣沒總兵馬林僅以  
身免滅跡掃塵索角隴種尚間崖下河水為之盡  
赤

太祖復集軍士馳往斐芬山攻潘宗顏軍令我兵之半下  
馬仰山而攻宗顏兵約萬人以楯遮蔽連發火器  
我兵突入摧其楯遂破之宗顏全軍盡沒赫赫貝  
勒錦台什布揚古引兵助明至開原中固城開明

兵敗大驚而遁是日

太祖收全軍至固勒班地駐營而明兵由南路進者已近

逼都城

太祖命大臣扈爾漢先率兵千人往禦翼旦復

命二貝勒阿敏率兵二千繼之

太祖率衆貝勒大臣還軍至界藩行祭纛告

天禮大貝勒代善請曰吾先歸從二十騎微行探信祀畢

上徐來

太祖許諾三貝勒莽古爾泰亦相繼行

四貝勒請以俱往

太祖曰汝兄微行往探汝隨吾後行

四貝勒曰兄獨往吾留此未安也遂亦行日暮大貝勒回

至都城詣

內庭慰告曰撫順開原二路敵兵已斬戮盡南來兵  
已遣將往禦我待

父皇命當即往破之復出城十五里迎於大屯之野

太祖自界藩申刻起行五更還都城平明

命大貝勒三貝勒

四貝勒統軍士禦明總兵劉綎留兵四千於都城待明總  
兵李如柏副將賀世賢等之兵初劉綎兵出寬甸  
進棟鄂路我居民避匿深山茂林中劉綎悉焚其  
柵寨殺其孱弱我駐防官託保額爾訥額赫率五  
百兵迎敵劉綎兵圍之數重額爾訥額赫死之并  
傷我卒五十人託保引餘兵與扈爾漢合扈爾漢

伏兵山隘以待已刻大貝勒三貝勒

四貝勒引兵甫出瓦爾喀什窩集劉綎遣精銳萬人前掠將趨登阿布達哩岡列陣大貝勒欲引兵先登馳下擊之

四貝勒曰兄統衆軍留此相機為援吾先督兵登岡自上  
下擊之大貝勒曰善吾引左翼兵出其西汝引右  
翼兵登山俾將士下擊汝立後督視勿違吾言輒  
輕身入也



四貝勒遂率右翼兵往先引精銳三十人超出衆軍前自山馳下奮擊之兵力交接戰甚酣後軍隨至衝突而入大貝勒又率左翼兵自山西至夾攻之明兵萬人敗潰

四貝勒乘勢追擊與劉綎後隊兩營兵遇綎倉卒不及陣四貝勒縱兵奮擊殲其兩營兵萬人劉綎戰死是時明海蓋道康應乾步兵合朝鮮兵營於富察之野其兵執篋筦長鎗被藤甲皮甲朝鮮兵被紙甲其胄以

柳條為之火罷層疊列待

四貝勒既破劉綬兵方駐軍衆貝勒皆至遂復督兵進攻敵競發火器忽大風驟作走石揚沙烟塵反撲敵營昏冥晝晦我軍乘之飛矢雨發又大破之應乾遁去其兵二萬殲焉先是二貝勒阿敏偕扈爾漢前行遇明遊擊喬一琦兵擊敗之一琦收殘卒奔固拉庫崖朝鮮都元帥姜功烈營衆貝勒復整兵攻之姜功烈知明兵敗大驚遂按兵偃旗幟遣通

事執旗來告曰此來非吾願也昔倭侵我國賴明  
助我獲退倭兵今以德報之故奉調至此我兵之  
在明行間者已被爾殺明兵逃匿於我者止遊擊  
一人及所從軍士而已當執之以獻大貝勒與二  
貝勒三貝勒

四貝勒定議乃曰爾等降先令主將來否則必戰姜功烈  
先令副元帥來降盡執明兵擲於山下付我明遊  
擊喬一琦自縊死翼日姜功烈率兵五千下山降

衆貝勒宴勞之送詣都城時明經畧楊鎬駐瀋陽  
聞三路兵敗大驚急檄總兵李如柏副將賀世賢  
等回兵如柏等自呼蘭路遁歸我哨兵二十人見  
之據山上鳴螺繫帽弓弰揮之作招集大兵狀已  
而呼噪下擊殺四十人獲馬五十匹明兵奪路而  
逃相蹂踐死者復千餘人是役也明兵雲集遼瀋  
又招合朝鮮葉赫分路來侵五日之間悉被我軍  
破滅其宿將重臣暴骸骨於外士卒死者不啻十

餘萬我士卒僅損二百人大軍駐南路三日籍所  
俘獲人馬輜重鎧仗而還

老城

城南八里週圍十一里六十步門四城內西  
有小城週圍二里一百二十步門二城內東

有

堂子週圍一里九十八步城外有郭自城北至城西

南共九里九十步亦有四門我

太祖高皇帝丁亥年築此城癸卯年自此遷都

興京

魚廠新城

城南一百四十八里週圍一百十步西  
南一門

本朝天聰七

年築

界藩城

城西北一百二十里在鐵背山上週圍一里東一門又一小城週圍一百八十步西

一門

本朝天命三年伐

太祖

高皇帝取撫順自興京遷至此依山築城居之

城之南卽界藩渡口

事蹟

謹稽

實錄歲甲申明神宗十二年六月

太祖率兵攻瑪爾墩寨其寨主納申奔界藩十三年二月

太祖率披甲之士二十五卒五十畧界藩寨寨內人覺之遂

回兵界藩等四城之主合兵追襲至太蘭岡之野

太祖單騎回斬納申射巴穆尼斃之遂引歸不遺一騎四

月

太祖征哲陳部界藩等五城聞之集兵八百整陳以待

太祖敗其衆又追至界藩險隘吉林崖立其巔見敗兵十

五人趨岡

太祖射前至一人貫其脊而殪餘悉墜崖死乃收軍還天

命三年五月

太祖令築城界藩居之四年二月命夫役一萬五千赴界  
藩城騎兵四百衛之三月既敗明四路兵於薩爾  
泚阿布達哩岡等處殲杜松劉綎等四月

太祖遂諭諸王大臣宜於近邊之地牧馬屯田築城界藩  
設兵守禦以衛農人於是

太祖西行示築城基址六月破開原班師

太祖諭貝勒諸臣即於界藩築城以居遂駐

蹕焉是月所建宮室皆成



興京界內歷代舊有城址

高麗舊城

城南一百二十里週圍三里三十步南與西各一門城西曰鍾家河村小峪

里又西曰一堵牆

蘆廠舊城

城南一百四十六里週圍二里九十步南與西各一門以上二城建置年月

考無

章嘉城

城東北三十餘里北曰款寨西曰鴉前寨

興京界內諸堡

清河堡

城西南一百六十里週圍四里一百八十步門四又北有堡曰鎮靜堡我

太祖高皇帝壬戌  
年撫降之

事蹟

謹稽

實錄明神宗十六年我

太祖始於清河關口互市天命三年秋七月

太祖統大兵進鴉鶻關圍清河堡明副將鄒儲賢以兵一

萬固守城上礮手約千餘一時競發滾木矢石齊

下我軍樹雲梯不避鋒刃飛躍而上明兵皆潰遂

拔其城鄒儲賢及兵萬人盡殲焉其一堵牆礮廠  
二城官民皆棄城遁大軍遂趨遼東行二日復還

軍毀一堵牆礮廠二城盡遷其糧穀而還

山羊峪堡

城西南一百九十五里週圍一里一百四十步南一門西有小堡曰景家堡

瑪哈丹堡

瑪哈丹蒙古語解見強域形勝卷城西南二百十里週圍二里一百三十四步

東南二門南關一城週圍一里一百四十步東西二門我

太祖高皇帝於戊午年征明撫降之仍設汎焉以上諸堡  
今皆為

興京城守驛防  
分汎地

奉天府

府城即

盛京城詳載

京城志具各州縣界內

本朝初所築城堡及歷代城址分注於後

承德縣

附郭詳載

京城志並詳古

蹟卷注

撫西城

城東八十里舊名撫順城明洪武二十一年設千戶所亦曰撫順關其城週圍一里

七百三十六步池深一丈濶二丈門二今則週圍  
三里東南北三門蓋明初為千戶所後改為鎮  
城時重修也

本朝康熙二十九年設章京駐防乾隆四十三年奉

旨重修四十八年有  
御製撫順城詩恭載

天章門

事蹟

謹稽

實錄明神宗十六年我

太祖始於撫順清河靉陽寬甸四關口互市以裕財源自

此國富民殷云天命三年四月壬寅

太祖率步騎兵二萬征明臨行書七大恨告

天是夕大兵至古呼地駐營翼旦分兩路以進令左四旗

兵取東州瑪根丹二處

太祖與諸貝勒率右四旗兵及八旗護軍至斡琿鄂謨地

駐營是晚微雨陰晴不定

太祖欲還軍大貝勒代善曰我與明和好久矣因其不道

是以興師今既臨其境若遽旋師將與明復修和

好乎抑相仇怨乎興兵之名誰能隱之天雖雨吾  
之軍士皆有禦雨之衣所用弓矢亦有備雨之具  
更有何物慮霑濕耶且

天降此雨以懈明邊將之心使我進兵正出其不意耳是  
雨利於我不利於彼也

太祖善其言遂於亥刻進兵天忽晴霽月色如晝大軍分  
隊星馳隊伍綿亘百里黎明圍撫順城執一人令  
特書以

諭遊擊李永芳永芳得書冠帶立城南門上言納款事仍  
令軍士治守具我兵見之樹雲梯不移時登其城  
永芳乃冠帶下馬匍伏

太祖於馬上以禮答之其城中人誠令勿殺並撫輯之於  
是撫順東州瑪哈丹三城及臺堡寨共五百餘悉  
下乃令諸將各營於所至之地

太祖駐蹕撫順城明日留兵四千毀其城

太祖率諸貝勒還至嘉班駐營論功行賞以俘獲人口牲



畜分給之編降民為一千戶時有山東山西江南  
浙江來撫順城貿易者十六人皆厚給貲費書七  
大恨之言付之遣還即以毀城兵四千護降民及  
所獲人口以歸

太祖與諸貝勒合兵四萬出明邊境行二十里將駐營謝  
哩甸明廣寧總兵張承廕遼陽副將頗廷相海州  
叅將蒲世芳率兵一萬來追偵者以告

太祖遂率大軍前進明兵據山之險分營為三掘壕引火

器以待及兩軍以拒我八旗兵奮勇擊射初風自西起忽反風塵沙轉向敵營我軍乘勢衝入明兵不能支遂潰破其三營死者相枕藉陣斬總兵張承廕副將頗廷相叅將蒲世芳遊擊梁汝貴等追擊四十里而還獲馬九千匹甲七千副兵杖器械不可勝計明兵逃者十無一二我兵止損二人諸貝勒大臣奮勇先進者論其功之大小軍士被傷者按其傷之輕重分別賞賚有差

駕還都城

命安輯從歸降民千戶父子兄弟夫婦毋令失所有親戚

奴僕自陣中失散者盡察給之並給以田廬牛馬

衣糧畜產器皿仍依明制設大小官屬令李永芳

統轄

承德縣界內歷代舊有城址

十里河城

城南六十里週圍一里一百三十步南一門明時設兵防守稱虎皮驛戎

太祖高皇帝辛酉年征明

撫降之今裁

蒲河城

城北四十里明設千戶所于此城週圓七百二十五丈池深一文濶二丈門二乃連

東十八城之一我

太祖高皇帝辛酉年征明撫降之今裁 城西曰箭匠屯

望望屯

小新屯

威寧營城

城東南一百里週圓四里東西二門明時築城置跌場百戶所於此我

太祖高皇帝辛酉年征明

撫降之今裁

武靖營城

城西南五十里週圓一里一百五十步南一門東即虎皮驛明時設兵防守舊

志誤為烏金營我

太祖高皇帝辛酉年征明撫降之我

太宗文皇帝追明總兵朱萬良至此大破之即其地也今

裁 營西曰蘇家衛郎家地蘇柯寨東南曰五

里堡

花臺

### 得勝營城

城西南五十餘里週圓一里明時為軍士屯戍之所今裁以上諸城皆明時

舊址

### 章義城

城西南七十里週圓二里一百七十二步東南門各一即金時章義縣故址今地詳

見古蹟郡縣注又南曰長勝堡城西南曰小烏拉七長灘屯

太

祖高皇帝辛酉年征明撫降之又西曰西平堡

壬戌年征明撫降之又北曰平安堡

### 北豐城

城西北隅後漢末公孫度據遼東置城于此謂之豐城司馬懿伐遼東豐人南徙者

齊其留者曰北

豐今城地無存

承德縣界內諸堡舖

沙嶺堡

城西四十里週圍一里半東南二門即明之沙嶺墩堡東南曰寧官屯河灣屯

淨烟堡

城西六十里週圍半里南一門即明之靜烟堡我

太祖高皇帝辛酉年征明撫降之堡西

曰習家堡艾家堡北接舊邊站

川盛堡

城北三十里

平洛堡

城北四十里

奉集堡

城東南四十五里週圍四里南一門即奉即縣故址詳見古蹟郡縣注

事蹟

謹稽

實錄天命六年二月癸丑

太祖率貝勒諸臣統大軍分八路畧明奉集堡明守城總  
兵李秉誠聞之引三千騎出城六里駐營遣兵二  
百人來偵遇我左翼兵兩路馳擊敗之至山嶺下  
有明兵結為方陣見我兵至遂拔營遁我兵尾擊  
之明兵兩路敗遁我兵追擊奮射之抵濠岸而還  
太祖統大兵離城北三里駐蹕高岡時右翼兵亦至日午

有廝養卒來告明兵可二百人去此不遠

太祖令貝勒大臣等率右翼兵搜勦同台吉德格類岳託  
碩託擊敗明二百兵追至李秉誠屯兵處其衆二  
千皆潰遁

四貝勒別引護軍至黃山明副將朱萬良駐營其地見我  
軍勢盛不敢抗亦拔營遁

四貝勒追至武靖營而還與分路敗敵諸將士同歸大營  
太祖論功行賞遂班師三月遼陽既下奉集堡官民俱降



大堡

城東南八十五里週圍四里南北二門亦名古堡為承德遼陽分界處又有四一在城東

南二十里週圍二里二百步東西二門一在城西北五十里一在城西北九十里一在城北四十五里和傳皆

國初時分防舊堡

東州堡

城東南一百十里週圍四里六十步東西二門為奉天將軍所轄界我

太祖高皇帝

戊午年征明撫降之今設汎馬堡北四官屯大官屯

刺榆坨堡

城西南一百二十里週圍一里一百二十四步西南二門

惠遠堡

城東北九十里週圍二里南一門北曰三坐堡我

太祖

高皇帝戊午年征明撫降之

十方寺堡

城西北九十里週圍二里其東南曰上榆林堡皆我

太

祖高皇帝辛酉年征明撫降之今設汎高

堡北曰巖千戶站堡西曰舊塔

遼濱塔堡

城西北一百里週圍一里南一門

白塔鋪

城南二十里週圍二里以上諸堡鋪皆奉天將軍駐防分汎地

事蹟

謹稽

實錄天命六年三月明總兵李秉誠朱萬良姜弼領騎兵

三萬來援瀋陽營於白塔鋪遣兵一千為前探我

國雅遜亦率精銳往偵明兵前進雅遜遂走明兵  
施放鳥鎗遙追

太祖聞之大怒欲親統兵前往

四貝勒趨前勸止而自請行遂領護軍疾馳迎戰明兵潰  
奔掩擊至白塔鋪又見三總兵統衆布陣

四貝勒不待後軍至即率百騎進擊李秉誠朱萬良姜弼  
皆敗遁正追擊時大貝勒代善台吉岳託亦至同  
追四十里斬首三千餘級

遼陽州

州城即明遼東都司城也洪武五年都指揮馬雲  
葉旺因元遺址修築週圍十六里有奇門六十六  
年都指揮潘敬展築東城迤北又築土城永樂十  
四年都指揮王真復改築北城南北一里東西四  
里門二合之共週圍二十四里二百八十五步高  
三丈三尺池深一丈五尺門九南二西一東二東  
北一外東西北各一乾隆四十三年奉

旨估勘舊址重修

事蹟

謹稽

實錄天命六年三月庚申

太祖集貝勒大臣議曰瀋陽已拔宜乘勢長驅以取遼陽  
議定即進兵遼陽城守官聞我兵至守禦甚嚴辛  
酉日午我兵至城東南渡河未竟偵卒馳告城西  
北有兵至

太祖統左翼兵先往明總兵李懷信侯世祿蔡國柱姜弼  
童仲貴等率兵五萬出城五里結陣

太祖命左翼四旗擊其左時

四貝勒引精銳至欲進戰

太祖止之曰吾已令左翼兵往擊汝勿前進可率右翼兵

駐城旁覘之

四貝勒力請曰今後至二紅旗兵留城旁覘視可也言畢

遂領護軍前進

太祖命台吉阿濟格勸止之

四貝勒堅意行

太祖遣二黃旗護軍往助

四貝勒引軍衝入明營明兵發礮接戰擊敗之左翼兵亦至兩軍夾攻明兵大亂奔潰柔勝追擊六十里至鞍山乃還當接戰時有明兵從遼陽西關出適城旁兩紅旗兵見而擊之明兵爭入城人馬自相蹂踐死者相枕藉會暮乃收兵距城南七里駐營于

戊

上親率右翼兵破明步騎三萬於東門外令左翼兵奪橋  
先登西城是夜城中舉火列炬戰達旦道員牛維  
曜高出邢慎言胡嘉棟戶部郎中傳國及軍民等  
縋城而遁平旦明兵拒戰復大敗我右翼兵亦登  
城八旗同集一處沿城搜勦明經畧袁應泰在城  
東北鎮遠樓督戰見城破遂舉火焚樓而死分守  
道何廷魁率妻子投井死監軍道崔儒秀自縊總



兵朱萬良副將梁仲善叅將王彖房承勲遊擊李  
尚義張繩武都司徐國全王宗盛守備李廷翰等  
俱戰歿闔城結綵焚香以黃紙書萬歲牌備乘輿

迎

上日正午大張鼓吹導引入城百姓夾道俯伏皆呼萬歲  
是日

駐蹕遼陽城衆勸監軍道張銓降堅不從以其言奏之

太祖曰彼若知天命來歸宜優禮遇之今戰而被擒生又

非其所願以願死之人而我養之豈肯為我用耶  
宜賜死以遂其志

四貝勒惜銓尚欲生之反復開導不從乃使人縊而葬之  
遼陽既下河東之三河堡長寧堡長勝堡長永堡  
靜遠堡鎮西堡慶雲堡鎮北堡威遠堡靜安堡  
陽堡湯站堡鎮東堡奉集堡穆家堡險山堡鹽場  
堡紅嘴堡歸服堡孤山驛虎皮驛鞍山驛石河驛  
威寧營武靖營上榆林十方寺丁字泊宋家泊甜

水站殷家莊薩馬吉永寧監五十寨古城草河新  
甸寬甸大甸永甸長甸鎮江鳳凰蒲河懿路范河  
中固熊岳藥固岫岩黃骨島青苔峪海州耀州蓋  
州復州金州大小七十餘城官民俱薙髮降丙寅  
釋遼陽繫獄官民其奪職間住之官悉還職設遊  
擊八員都司二員以理其事論克城先登力戰諸  
將士功行賞畢發帑銀布帛大賚總兵以下各官  
及衆士卒有差

太祖召集貝勒諸臣議曰

上天眷我授以遼陽今將移居此城耶抑仍還國耶貝勒

諸臣俱以還都城對

太祖以此地乃明及朝鮮蒙古接壤要害之區宜即居之

貝勒諸臣皆曰善遂定議遷都命遼陽官民移居

北城闕廂其南大城則

上與貝勒諸臣及將士居之

東京城

城東北八里  
修建年月俱詳載京城志

遼陽州界內歷代舊有城址

船城

城西六十里週圍一里二百八十步南有一門相傳為元時養鷹處

高麗城

城東南隅相傳高麗採遠東時建俗稱高麗營即明時設定遠中衛處

巖州城

城東北五十七里在石城山上週圍四里門一即金時岩州舊址詳見古蹟郡縣注

遼陽州界內諸堡寨

黃泥窪堡

城西五十五里週圍二里門一其西北曰留二堡

爛泥鋪堡

城北三十五里週圍六十四步門一

八里莊堡

城西南八里週圍一百四十步門一

首山堡

城西南十五里以近首山而名週圍三百五十二步門一

沙河堡

城西南三十里週圍一里五十六步南北二門

長店舖堡

城西南五十里週圍三百二十步南一門

唐馬寨堡

城西南七十里週圍二里四十步南一門

烟狼寨

城西三十七里以上諸堡寨皆遼陽駐防分汛地

海城縣

縣城即明海州衛舊係土城明洪武九年指揮劉

成等甃築週圍六里五十三步有奇高三丈四尺

門四東曰鎮武南曰廣威西曰臨清北曰來遠池  
深一丈一尺廣三丈五尺後城毀池淤

本朝天命八年即舊城東南隅建新城週圍二里一  
百七十六步增建一門縣治仍設於舊城內乾隆  
四十三年奉

### 昔重修

牛莊城

城西四十里明置驛於此城週圍二里九  
十三步門三東曰德盛西曰外攘北曰福

勝

本朝天命八年重建設掌印章京駐防康熙二十一年

年添設巡檢分駐 城西為海清灣  
又西南曰東昌堡東曰瞻札綏薩屯

### 耀州城

城西南六十里週圍二里三百步南北二

本朝初修築大將楊古利守此曾敗明將毛文龍兵

事蹟謹載鎮江堡下餘詳見古蹟 城西曰夏

家屯西南曰博羅街又西南曰

田家屯留名屯北曰護莊屯

### 海城縣界內歷代舊有城址

#### 鞍山驛城

城北六十里週圍一里二百四步門二

地 城東曰里科薩屯

稍南即鞍山溫水河

### 事蹟



謹稽

實錄天命十一年夏五月明將遣兵侵鞍山驛守將巴布

泰率兵擊敗之斬級千餘擒遊擊李良美

海城縣界內諸堡

夜深堡

城西五十里週圍六十步門二

三河堡

城西六十里週圍一里六十步南北二門俗呼馬園子堡東北曰榜家堡我

太祖

高皇帝辛酉年征明皆撫降之

土河堡

城北十五里週圍一里七步門二

甘泉堡

城北三十里週圍一里九十六步門二

太平堡

城西南七十里週圍九十八步門一俗名青城子

大官堡

城西南九十里週圍一百八十步門一

新開河堡

城西北四十里週圍一里二百九十四步東南二門

鐵石堡

城西北七十里週圍一里二百八十步門一以上諸堡皆牛莊駐防分汛地

蓋平縣

縣城即明蓋州衛城也洪武五年指揮吳玉因舊土城修築九年展拓南面甃築週圍七里三步高

一丈五尺門三東曰順清南曰廣恩西曰寧海鐘

鼓樓在城中衢池深一丈五尺廣一丈八尺乾隆

四十三年奉

旨重修

熊岳城

城西南六十里即熊岳縣故址週圍三里九十九步南北二門

太祖

高皇帝辛酉年征明撫降之初置城守尉章京駐防

雍正五年移奉天副都統一員鎮守于此魚轄

復州寧海岫岩鳳凰城等處乾隆四十三年奉

旨重修

餘詳見古蹟郡縣注城北曰伯家寨西曰郭

家

七

蓋平縣界內歷代舊有城址

新岫巖城

城東二百四十里週圍一百步門一今圮又東十里有舊岫巖城

古城

城南六十里週圍八十五步今圮以上二城建自何代皆無考

蓋平縣界內諸堡

頂山堡

城南五十里週圍一里十五步

歸州堡

城南九十里週圍一里八十八步即連時歸州城故址詳見古蹟郡縣注

鐵嶺屯堡

城北五十五里週圍一百九十步

白家寨堡

城東北五十五里週圍一百三十五步

湯池堡

城東北六十里週圍一百二十步  
以上諸堡皆蓋平駐防分汛地

開原縣

縣城本元開元路地明洪武二十二年設三萬衛  
二十五年設遼海衛因舊土城之東甃築週圍十  
三里二十步高三丈五尺門四東曰陽和西曰慶  
雲南曰迎恩北曰安遠角樓四鼓樓在中街池深  
一丈廣四丈乾隆四十三年奉

旨重修

事蹟

謹稽

實錄天命四年夏六月

太祖統師四萬征明開原行三日大雨河漲道濘渡口水  
溢軍行未便

諭貝勒大臣先進兵瀋陽以疑之遂發兵百人向瀋陽殺  
三十餘人擒二十人而還使人偵視開原無雨道  
不濘河水可濟

太祖乃率大軍進薄開原城下明總兵馬林副將于化龍  
權開原道事推官鄭之範叅將高貞遊擊于守志  
守備何懋官等嬰城固守城上少列兵餘皆陳四  
門外我兵設楯梯進攻而以偏師掩擊東門外所  
陳兵敗之明兵爭入城填擁於門我兵奪門搏戰  
而攻城之兵雲梯未布即踰城入城上兵四面皆  
潰城外三面兵見城破驚竄我兵據門堵禦壕不  
得渡盡殲之鄭之範先遁得脫馬林于化龍高貞

于守志何懋官皆陣歿

太祖登開原城坐南樓偵者以鐵嶺衛有兵三千來援馳告諸貝勒率兵迎戰明兵望見即奔我兵二十人追及之斬四十餘人

太祖駐營開原三日籍所俘獲舉之不盡論功行賞乃班

師

英莪口城

城東南二百十里週圍一百八十步門一在英莪邊門北餘詳見關郵卷注

城西北自尚家臺抵關梁交城西南自趙吉里屯八家子屯東尼雅滿莊三家子屯温塔什庫



至赫徽  
穰路

開原縣界內歷代舊有城址

扶餘城

本扶餘王城唐書乾封初薛仁貴從李勣攻高麗拔扶餘城高麗兵鼓而進仁貴橫

擊大破之舊志謂在開原縣界內今遺址方隅無考

哈達舊城

哈達國語解見京城卷城東六十里明時置廣順關于此亦曰南關後為哈

達貝勒所居  
今城址無考

中固城

城南四十里明永樂五年建為撫順站弘治十六年叅將胡忠奏請展築高一丈八

尺週圍七百三十五丈池深三丈八尺南北二門為遠東十八城之一哉

太祖高皇帝辛酉年征明撫降之今站廢  
城亦圯相傳城週二里八十步

### 開原縣界內諸堡

尚陽堡

城東四十里週圍三里南北二門舊名靖安堡有蓮花渚近堡曰黃泥岡堡西曰三

家子  
麟城

樣鋪堡

城西十八里週圍一里南一門

八寶屯堡

城西三十里週圍一里南一門

慶雲堡

城西四十里週圍一里南一門我

太祖高皇帝辛酉年征明撫

降之今設汛馬

松山堡

城南四十里週圍一里南一門

呼濟堡

呼濟國語解見吉林山川卷城東南一百五十里週圍一里

威遠堡

城東北三十里週圍三里南北二門我

太祖高皇帝辛酉年征明撫降之今設汎馬

以上諸堡皆開原駐防分汎地

鐵嶺縣

縣城即古銀州地明洪武二十一年設鐵嶺衛在

今治東南五百里二十六年移置此地在遼河東

週圍四里二百十六步高二丈門四池深一丈五

尺廣三丈乾隆四十三年奉

旨重修

事蹟

謹稽

實錄天命四年秋七月

太祖統師圍鐵嶺城城外各堡兵奔入城其不得入者悉

奔竄我兵樹雲梯攻城之北明遊擊喻成名史鳳

鳴李克泰督軍拒守鎗礮矢石齊下我軍即登梯

毀陴推鋒突入城上兵驚潰陣斬喻成名等盡殲其衆

太祖遂入城駐蹕是日蒙古塔爾喀部貝勒齋賽扎嚕特貝勒巴克台吉色本等合兵萬餘欲助明乘夜至林田以俟翼旦我兵十餘人出城牧馬齋賽兵見而擊射我兵在城中者知為蒙古兵即出城欲戰因未奉

上命駐立以待而牧馬兵皆被殺傷

太祖親出城諭戰諸貝勒大臣遂率兵奮擊敗其兵追至  
遼河陣斬及溺水死者甚衆擒齋賽與巴克色本  
等及其部將十餘人兵一百五十餘人翼日大宴  
奏樂齋賽等匍匐進謁齋賽從人名烏瑚齊者問  
曰

上與衆貝勒大臣均無恙耶時

四貝勒侍側應曰我軍中止牧馬兵十數人被傷餘皆無  
恙汝等鞍馬俱完善否蒙古皆大慚垂首無以應

太祖駐蹕鐵嶺城三日論功行賞以所俘獲分給先釋齋

賽從者博囉齊等十一人使歸寄語諸部長述蒙

古大敗齋賽及衆台吉悉為我國所擒乃班師

鐵嶺縣界內歷代舊有城址

唐王營城

城東南三十五里週圍二里南一門建  
置年月莫考相傳為唐太宗伐高麗時

駐營於此今  
城址無存

范河城

城西南三十里亦曰汎河所週圍三里一  
百三十步門四明正統四年建並置千戶

所于此我

太祖高皇帝辛酉年征明撫降之今裁仍設汎馬

懿路城

城西南六十里週圓三里十五步南北二門本金抱婁縣明永樂五年修築置千戶

所于此城北今為站 謹案

太祖高皇帝取明瀋陽道出懿路蒲河事蹟已詳山川卷

懿路河注餘詳

見古蹟郡縣注

### 鐵嶺縣界內諸堡

柴河堡

城東六十里週圓一里南一門

曾十堡

城西二十五里週圓一里門一

撫安堡

城東南四十里週圓一里七十二步東西南三門東曰花豹冲堡我

太祖高皇帝戊午年征

明皆撫降之



安巴堡

安巴國語解見奉天府山川卷城東南八十三里週圍一里南北二門

丁字泊堡

城西南五十五里週圍一里南一門東曰宋家泊我

太祖高皇帝辛酉年征明皆撫降之今設汎馬

史家堡

城西北十五里週圍一里門一

正西堡

城西北二十里週圍一里門一南曰和爾海舖

平定舖

城北五十里週圍一里南一門

新興舖

城西南十五里週圍一里門一

城南舖

城西南三十三里週圍一里南一門

腰鋪 城西南四十五里週圍一里南一門  
以上諸堡鋪皆鐵嶺駐防分汛地

### 復州

州城本明復州衛城也遼金時為復州懷德軍元  
廢明洪武十年因舊城修築設衛週圍四里一百  
八十步門三東曰明通南曰迎恩北曰鎮海

本朝初隸蓋平縣雍正十二年改設州治乾隆四十  
三年奉

### 旨重修

復州界內歷代舊有城址

得利羸城

城東八十里德哩山之上元季土人所築明初置遼東衛治此今城址

永寧監城

城北五十里明嘉靖十四年范馬寺鄉楊最覽築其城過圍二里二百五十三

步門三東曰迎賓南曰日永西曰聚泉今地餘詳見古蹟名勝注 城南即永寧監河

復州界內諸堡

歸化堡

城東二百里門一堡東為趙親屯

楊官堡

城西三十里門一

藥固堡

城南七十里我

太祖高皇帝辛酉年征明撫降之今設汎馬堡北曰二

十里舖又北即紅山口

鹽場堡

城南八十里門一

博羅堡

博羅蒙古語解見奉天府山川卷城南九十里門一

五十塞堡

城北六十里週圍一里一百二十六步門一我

太祖高皇帝辛酉年征明撫降之今設汎馬

土城子

城東二百十里以上諸堡皆復州駐防分汎地

寧海縣

縣城即明金州衛城也舊係土城明洪武四年指

揮馬雲葉旺增築十年指揮韋富梵築週圍五里  
二百十六步高三丈五尺門四東曰春和南曰承  
恩西曰寧海北曰永安池深一丈七尺廣六丈五  
尺

本朝初隸蓋平縣雍正十二年設寧海縣乾隆四十  
三年奉

旨重修

旅順新城

城西南一百二十里週圍一里二百十  
八步門一亦明時建我

太宗文皇帝天聰七年征明取之事蹟謹詳載闕郡卷旅

順口關注

本朝康熙五十四年重修設佐領驍

騎校水師營駐防見兵防卷

### 寧海縣界內歷代舊城址

#### 大黑山城

城東十五里大黑山上約二里內有二井四面懸絕惟西一門可上相傳昔

人避兵

處今圮

#### 高麗城

城東三十里已圮

#### 旅順舊城

城西南一百二十里週圍二百五十五步門一明初築城設中左千戶所于此

#### 牧羊城

城西南一百五十里週圍二百五十四步門一以上諸城建置年年月無考

寧海縣界內諸堡鋪

木廠堡

城西六十里週圍二里二百四十一步南  
北二門 堡西有木城驛城東為果廠鋪

石河驛堡

城北六十里週圍一里二  
百四十步南北二門我

太祖

高皇帝辛酉年征明撫降之今設汎馬 堡

西曰四十里堡東北曰三十里鋪

博羅堡

博羅國語解見黑龍江山  
川卷城北九十里門一

紅嘴堡

城東北一百二十里週圍  
二百一十八步門一我

太祖高皇帝辛酉年征明撫

降之今設汎馬

歸服堡

城東北一百六十里週圍三里門一  
我

太祖高皇帝辛酉年征明撫

降之今設汎馬

王官寨

城東南三十里週圍三百四十二步南北二門

山澗舖

城西南九十里週圍一里二百四十步南北二門以上諸堡舖皆寧海駐防分汛

岫巖城

本金時岫巖縣地元廢明設撫民通判於此

本朝初隸蓋平縣乾隆三十七年設通判管理四十

一年省熊岳通判以岫巖通判兼轄鳳凰城四十

三年奉



首於舊址修建城垣週圍四百五十餘丈高二丈東南

二門

岫巖城界內歷代舊有城址

高麗城

城南一百三十里週圍里許俗呼東高麗城疑為昔時高麗所建今城址無考

岫巖城界內諸堡寨

黃旗堡

城東六十里週圍一百八十步

黃姑堡

城南一百七十里

曹家堡

城北三十里

羊拉寨

城南六十里

龍頭寨

城東北一百五里 以上諸堡寨皆岫岩城守駐防分汛地

鳳凰城

城築於明成化十七年因朝鮮使臣還國道經鳳凰山下遇掠奏乞於舊路南別開一路以便往還遂築此城設官兵為邊關要地週圍三里八十步南一門

本朝設城守章京駐防乾隆四十一年復設岫巖城

通判兼轄並設巡檢司駐防

蘭磐城

城西二百四十里週圍一里十三步南一

本朝天聰七

年修築

鳳凰城界內歷代城址

九連城

城東近朝鮮界金史幹魯于海蘭甸之地築九城與高麗對出戰入守明一統志在

三萬街東北九十里連屬有九考今鳳凰城邊外有九連城遺址即是舊志以為在吉林界誤

湯山城

城東南五十里

太祖高皇帝辛酉年征

明撫降之

娘娘城

城東南一  
百四十里

宣城

城東南一百七十里 以上三城俱在  
遼境迤東入朝鮮界建自何代無考

雪里站城

城西北四十里週圍二里一百二十  
四步南一門曰額東明弘治四年建

甜水站城

城西北一百八十里週圍三里九十步  
南北二門其南曰甜水站堡有塔明時

天

太祖高皇帝辛酉年撫降之

置鐵場百戶所于此我

鳳凰城界內諸堡

長甸堡

城東二百七十里其  
西北曰大甸堡我

天

太祖高皇帝辛酉年征明皆  
撫降之今設汛焉

永甸堡

城東二百七十里我

太祖高皇帝辛酉年征明撫降之今

設汛馬堡之西曰團甸

青苔峪堡

城西一百七十里週圍三百三十六步南一門

石城堡

城北六十九里週圍二里一百步南一門

靉陽堡

城北一百二十八里週圍三里一百二十步西南二門南門曰靉陽城西有郭週圍

一里九十步南一門上有靉陽城三字明時設守備鎮其地我

太祖高皇帝辛酉年征明撫

降之今設汛馬

孤山堡

城北二十五里週圍二里三十步南一門我

太祖高皇帝辛酉年征明撫降之 堡南曰磨石峪屯堡西曰細河屯安平屯

### 薩瑪吉堡

城北二百四十五里週圍一里六十步南一門我

太祖高皇帝辛酉年征明撫

降之皆設汛馬

### 一堵牆堡

城北二百七十里週圍三里六十步東南二門我

太祖高皇帝天命三年征明

撫降之今設汛馬

### 險山堡

城東南八十里明嘉靖二十五年置我

太祖高皇帝辛酉年征明撫

降之今設汛馬

### 新甸堡

城東南一百里我

太祖高皇帝辛酉年征明撫降之今

設汎焉 堡之北曰果甸

鎮江堡

城東南一百二十里與朝鮮分界處

事蹟

謹稽

實錄天命六年秋七月鎮江城  
中軍陳良策潛通于明將

毛文龍令別堡之民詐稱兵至大呼噪城中驚擾

遂與湯山險山二堡民皆叛投文龍

太祖命二貝勒阿敏同

四貝勒率總兵副叅等官引兵三千人遷鎮江沿海居民于內地大貝勒代善三貝勒莽古爾泰率兵二千人遷金州民于復州冬十一月

太祖聞毛文龍屯兵朝鮮境命二貝勒阿敏統兵五千勦之渡鎮江乘夜入朝鮮境斬遊擊劉姓及兵一千五百文龍僅以身免九年夏五月毛文龍令遊擊三員引寇我國所屬之輝發地沿鴨綠江越長白山而至我守將素勒東阿奮擊之追逐三日盡殲



其衆秋八月毛文龍遣兵渡朝鮮義州城西鴨綠  
江入島中屯田

太祖命大臣楞額哩武善引兵一千襲之途中獲間諜告  
以明兵晝則渡江入島收穫夜則收兵復渡江宿  
義州江岸楞額哩乘夜進兵潛伏山僻處平旦度  
明兵已渡江率兵疾馳明偵者未及聲礮舉烽燧  
楞額哩已渡鎮江支流突至其島明將士大驚悉  
棄甲奔潰楞額哩等於陸地追逐斬五百餘級餘

皆爭舟墮水溺死楞額哩等盡焚其積聚而還

### 黃骨島堡

城西南二百五十里週圍一里二百五十步南一門

### 寬甸堡

城東北二百九十里在邊外明神宗六年築以上二堡我

太

祖高皇帝辛酉年征明皆撫降之今設汛馬

### 通遠堡

城西北一百里週圍一里二百十步南一門左二里又一城週圍一里九十步門一

右二里又一城週圍一里六十步門一

本朝天聰初修築置城守尉駐防于此後移置鳳凰

城今設站為朝

鮮貢道所經

### 草河堡

城西北一百二十里週圍一里一百六十步南一門我

太祖


高皇帝辛酉年征明樞

降之今設汎馬

莽牛哨

在邊外距朝鮮分界處一二里乾隆十一年奉天將軍請于此地設汎校彼此不致

滋擾尋以與朝鮮不便停止以上諸堡皆鳳凰城守駐防分汎地



欽定盛通志卷二十九

欽定四庫全書

史部  
欽定盛京通志卷三十一

少詹事<sub>臣</sub>曹城覆勳

總校官編修<sub>臣</sub>朱鈐

欽定四庫全書

欽定盛京通志卷三十

城池三

錦州府

錦縣

寧遠州

廣寧縣

義州



欽定四庫全書

欽定盛京通志卷三十

城池 二

錦州府

府城即明廣寧中左二屯衛城也遼置錦州金元  
因之明洪武二十四年指揮曹奉即舊城址修築  
週圍五里三百二十步高二丈五尺成化十二年  
都指揮王錯增展南北四十五丈東西九十五丈

弘治十七年叅將胡忠併築南關週圍六里二十  
三步形勢若盤俗謂之盤城門四東曰寧遠南曰  
永安西曰廣順北曰鎮北鐘鼓樓在中街池週圍  
七里五百七十三步濶三丈五尺深一丈二尺今  
城仍舊週圍五里一百二十步東有關廂小城相  
附舊載三里一百六十步高一丈五尺門三曰小  
東門小南門小北門其增築之年無考今按城基  
週圍二里乾隆四十三年奉



旨重修

謹案乾隆八年十九年

皇上來巡俱有

御製錦州道中詩四十二年有

御製錦州道上恭依

皇

祖詩尚過錦州詠祖大壽事錦州道中書事詩四十八

年有

御製過錦州六韻錦州道上再依

皇

祖詩韻過錦州疊茂茂韻詩俱恭載

天章門

事蹟

謹稽

實錄天聰五年我兵圍大凌河城明總兵祖大壽降

太宗縱還錦州越四年

命豫親王多鐸率兵駐廣寧大臣阿山石廷柱等以兵四

百攻錦州大壽令其副將劉應選率兵三千迎禦

而自勒步騎出城五里立營我軍至大凌河西遇

劉應選兵阿山以敵衆我寡遣人馳告豫親王王

即移師馳赴自山而下塵起蔽天明兵大驚奔潰

我軍陣斬劉應選殲其兵五百大壽退入城崇德

四年春我軍圍松山分兵駐錦州西北烏磬河口  
大壽時在寧遠令副將楊震祖克勇徐昌永率騎  
兵六百趨錦州經烏磬河口我軍擊敗之斬八十  
四人擒揚震

太宗自松山馳至錦州分兵搜勦山寨斬徐昌永擒祖克  
勇以還五年春

命鄭親王濟爾哈朗等率兵修義州城駐劄屯田更番圍  
錦州使民人不得耕種

太宗親往閱視有杏山城西五里臺之蒙古蘇班岱等欲携三千餘戶來歸我兵往衛以行明兵七千躡追我兵還擊卻之擒其副將楊倫叅將李得位等六年春我兵環錦州城鑿長壕立營城郭蒙古諾木齊等使人持書縋而下約獻東關為祖大壽所覺欲擒衆蒙古諾木齊率衆與戰聲聞關外我軍薄城下蒙古縋繩援以上夾擊祖大壽追入內城環兵守之諾木齊率衆來歸郭內戶口及器物悉移

義州城時明總督洪承疇以錦州危困集兵十三萬赴援

太宗親統師擊卻入松山城重圍以困之七年春城破擒洪承疇及祖大壽之弟總兵祖大樂遊擊祖大名祖大成等縱祖大成入錦州與祖大壽相見時錦州城中糧盡人相食祖大壽聞松山已失度錦州不能守遣人赴鄭親王濟爾哈朗睿親王多爾袞營言若得見祖大樂即出降兩王令祖大樂與使

者見三月丙子祖大壽遣人請盟兩王叱之曰我軍圍困此城旦夕可取有何顧慮乃與爾盟誓乎欲降則降不降則已誰強爾降也祖大壽乃遣其兄子祖澤遠同其中軍官高勲乞宥罪明日率眾官詣軍門叩首降獻錦州城

太宗命諸王留兵駐防凡祖大壽族黨及部眾悉生全贍養之

錦縣

附郭

大凌河城

城東四十里週圍三里二十步門一明  
宣德三年置中左千戶所於此屬廣寧

左屯衛

本朝初設兵駐防今置汎馬並為養息牧地餘詳見

山川卷大

凌河注

事蹟

謹稽

實錄天聰五年夏五月寧遠人張士粹來歸又有兩人自  
錦州來歸俱言明人築城大凌河

太宗命葉努錫特庫喀木齊哈往覘生擒二人言明總兵

祖大壽副將何可綱等率山海關外八城兵及夫役築城欲乘我兵未至時竣工秋七月己亥

太宗率貝勒大臣統大軍西發八月丁未抵大凌河進圍

其城

命大臣楞額禮率正黃旗兵圍北面之西額駙達爾漢率鑲黃旗兵圍北面之東貝勒阿巴泰率護軍在後策應覺羅色埒率正藍旗兵圍正南面貝勒莽古爾泰德格類率護軍在後策應宗室芬古率鑲



藍旗兵圍南面之西貝勒濟爾哈朗率護軍在後  
策應大臣武納格率左翼蒙古兵圍南面之東喀  
克都哩率正白旗兵圍東面之北貝勒多鐸率護  
軍在後策應大臣伊爾登率鑲白旗兵圍東面之  
南貝勒多爾袞率護軍在後策應額駙和碩圖率  
正紅旗兵圍西面之北大貝勒代善率護軍在後  
策應大臣鄂穆岱率右翼蒙古兵圍正西而葉臣  
率鑲紅旗兵圍西面之南貝勒岳託率護軍在後

策應蒙古貝勒明安等各率所部兵於空隙處列營額駙佟養性率舊漢兵載紅衣礮當錦州大道而營

諭曰攻城恐士卒被傷不若掘壕築牆以困之彼兵若出我則與戰外援若來我則迎擊於是諸將分赴汎地環城四面掘壕深廣各丈許壕外築牆高丈許牆上加以埽口又離牆五丈餘四週掘壕廣五尺深七尺五寸壕上鋪秫稽覆以土營外亦掘壕深廣各

五尺許

上臨城南山岡閱視有敵騎兵百餘出城逐我採樵者

命侍衛率護軍擊之擒其都司王延祚庚戌敵騎兵百餘

出城布顏圖譚拜率護軍擊之斬三十餘人獲馬

二十四辛亥明步騎兵約五百出城額駙達爾漢

率八十人擊敗之追至城壕而還復有出城刈禾

者布顏圖率護軍四十人擊之斬三十人貝勒莽

古爾泰德格類所轄護軍斬十八人貝勒濟爾哈

朗所轄護軍斬十五人總兵官馬光遠招降城南  
一臺內百總一男子五十婦女四口遊擊范文程  
招降城西一臺內生員一男子七十二婦女十七  
口

諭各付光遠文程贍養之癸丑

命大臣揚善翁阿岱蘇達拉率護軍列壕邊遇敵人過壕  
乃接戰圖賚南楚哈克薩哈率護軍列兩黃旗之  
間見敵人逐我採樵者乃邀擊之諸將甫至汎地

明兵出城誘戰圖賚即率兵往擊額駙達爾漢率  
鑲黃旗兵繼進四面軍士見之亦各進戰兩藍旗  
兵徑抵城壕舍騎步戰逼明兵入壕明兵墮壕死  
者百餘人我兵獲馬三十壕岸敵兵與城上敵兵  
礮矢齊發兩藍旗兵乃退是日額駙佟養性督舊  
漢兵以紅衣礮攻城西南隅一臺穿其雉堞擊死  
一人臺兵驚懼遂降我兵列車楯於臺下以礮攻  
城之南面壞其雉堞四敵樓二又攻毀城東一臺

臺兵乘夜遁我兵追及盡殲之丙辰正紅旗牧馬  
取草兵遇明臺軍出被殺者十人失駝十馬三十  
五大貝勒代善貝勒濟爾哈朗多鐸等率兵三千  
往圍其臺發紅衣礮擊之焚近臺房屋百餘間獲  
駝馬三十餘諸貝勒還營留兵守之及夜臺軍突  
出備禦留哈擊敗之斬九人生擒一人言臺上死  
於礮者三十人又獲駝馬牛三十餘先是

命阿山勞薩圖魯什率兵二百往錦州偵敵擒明兵十一

人又設伏路旁獲七人牛騾十餘丁已明援兵二千自松山來阿山勞薩圖魯什率兵三百擊敗之斬百餘人獲其纛二甲子

命貝勒阿濟格碩託率領纛大臣每旗一員精兵五百蒙古兵五百往松山遮擊明援兵

太宗親詣指示立營瞭哨之地而還越一日明錦州副將二員叅將遊擊十員率兵六千至時大霧靚面不相識我軍列陣以待忽有青氣自天衝入敵營霧

開如門頃之即霽阿濟格碩託遂率兵進擊大敗  
之追殺至錦州城生擒遊擊一員獲甲冑二百十  
九馬二百有六旗纛十五是日祖大壽遣兵出城  
奪我軍已得之臺甫樹梯和碩圖葉臣芬古色埒  
武訥格鄂穆岱圖爾格明安各率兵出營偕教漢  
奈曼蒙古兵齊進夾攻大敗之明兵奔入城追擊  
至城壕乃止九月乙亥

命譚布率護軍一百五十人邀擊明兵出城樵採者斬三



人生擒二人庚辰我軍攻克大凌河西五里外一  
臺盡殲其衆辛巳

遣陣獲遊擊一員携大纛十五小旗二繞城下呼曰山海  
關總兵遣我盡率所部兵來援為滿洲往圍錦州  
之兵所敗斬殺幾盡我被擒至此癸未偵知明山  
海總兵官宋偉遵化總兵吳襄寧遠巡撫邱禾嘉  
率關外馬步兵悉入錦州城

太宗以貝勒阿濟格碩託軍中兵寡

命總兵官額駙揚古利率八旗護軍之半往益之丁亥

命貝勒多鐸率護軍二百行營兵一千五百額駙佟養性

率舊漢兵五百携車楫往擊

太宗親率護軍二百緣山前行見錦州城南塵起

遣圖魯什勞薩率兵二百往覘頃之明兵七千逐圖魯什

等至小凌河岸

太宗見之遂擐甲渡河率護軍二百直衝而入敵兵七千

悉潰遁追擊至錦州城敵墮壕死者甚衆城中復

出步兵列車楯大礮於城外以騎兵隨其後距我

軍里許

太宗督兵擊敗之斬副將一生擒把總一乃收軍拜

天以兵留付阿濟格而還至中途凡被創士卒徧勞之酒

庚寅

命營卒執旗幟離大凌河城十里馳騁揚塵聲礮不絕為

錦州援兵狀祖大壽遂率兵出城攻西南隅我兵

已據之臺樹梯將登我鑲藍旗鑲紅旗右翼蒙古

烏嚕特蒙古四營兵齊出奮戰

太宗預率護軍伏山內突馳進擊敵知隨計奔入城陣斬  
臺下者十七人中創死者百餘人自是祖大壽閉  
城不敢復出乙未明太僕寺卿監軍道張春與總  
兵吳襄等率副將叅將遊擊守備都司等官百餘  
員馬步兵四萬餘來援過小凌河駐營掘壕列車  
楯鎗礮我哨兵馳告

太宗親率行營兵之半往視

諭諸將曰敵壁壘嚴整不宜輕戰致傷我衆且俟彼起營前進乘隙擊之遂引軍還戍戌明兵四更起行次長山

距大凌河城十五里

太宗與大貝勒代善率兵二萬往擊至則敵已列陣

太宗密遣精銳設伏扼敵歸路以行營兵推戰車近敵護軍及蒙古兵繼列先令騎兵衝敵陣敵鎗礮齊發鉛子如雹其聲震天我騎兵縱橫馳突飛矢如雨敵敗卻我右翼兵悉衝入敵陣先殺其步兵四向

追擊其騎兵左翼兵避敵鎗礮踵右翼兵而進敵營未盡破仍復拒戰額駙佟養性奉

命率所部兵屯於敵營東發大礮火箭攻之時有黑雲起

風從西至敵乘風縱火勢甚熾將逼我軍天忽雨

反風敵營燬其兵焚死者甚衆我兵復合攻之敵

潰遁截殺大半追奔四十里其先為右翼兵追擊

者遇我伏兵發悉殲之陣斬副將張吉甫滿庫王

之敬盡獲其駝馬車牛甲冑器械生擒監軍道張

春副將張洪謨楊華徵薛大湖叅將姜新遊擊黃  
澤千總姜桂等是日祖大壽聞鎗礮聲謂仍是設  
計誘之不復遣一人出冬十月丁未

太宗以書三函予祖大壽及副將何可綱張存仁並

命陣獲文武官二十三員各以己意為招降書令千總姜

桂齋往祖大壽率衆官出城見之與之食謂曰爾

不必再來我寧死於此城不降也已酉

太宗遣官八員率兵五百盡出舊漢兵載紅衣大將軍礮

六位將軍礮五十四位攻魚子嶂臺是臺峙立邊  
界垣牆甚固攻三日擊壞臺堞敵中礮死者五十  
七人叅將王景携男子二百三十九人婦女幼稚  
三百三十九口來降遠近百餘臺聞風惴恐或降  
或逃所遺糧糗足供我士馬一月之需王景既朝  
見

賜以貂裘貂帽明日翟家堡守臺百總一生員一率百人  
降獲牲畜五十甲寅陳興堡守臺百總祖邦傑來



降

賜緞衣一令往招臺內人降不從我軍用礮擊之死傷大半降者四十五人是日

遣陣獲叅將姜新往招祖大壽等時大凌河城內糧絕薪盡我兵修築壕塹益堅軍容整暇祖大壽等謀突圍而出偵我軍防守嚴密一人不能逸而援兵自外至者又敗潰窮蹙無計乃出城與姜新揖見令遊擊韓棟隨至既朝見

太宗命巴克什達海庫爾禪與姜新送之入城韓棟始來  
時由正黃旗大臣楞額禮所守之門入軍士俱戎  
服執戟林立門內外及達海庫爾禪送韓棟入城  
楞額禮亦不容遽過令遠立詢問姓名詳察面貌  
一一驗畢然後令行韓棟目擊我軍紀律及堵守  
嚴密狀料一人不能潛脫還白大壽大壽降志始  
決其義子祖澤潤以書二函繫於矢自城內射出  
請

遣副將石廷柱往丙寅石廷柱遠海庫爾禪隆什寔完我  
往城南臺下大壽令韓棟送其子可法赴我軍為  
質邀石廷柱過壕相見言當先定攻取錦州之策  
乃舉城歸順石廷柱還奏

太宗命同遠海往諭曰我既招降爾等復攻錦州恐我兵  
過勞爾等降後錦州或以力攻或以計取任爾等為之  
不然爾等坐守城中我惟有駐兵圍困而已戊辰大凌  
河城內各官皆與祖大壽同謀歸降獨何可綱不

從祖大壽令二人掖出城外於我諸將前殺之遂遣副將四員遊擊二員來誓及暮大壽至

命入幄坐於左設饌宴之

賜御用黑狐帽貂裘及金飾鞵帶緞靴雕鞍白馬大壽密陳取錦州之策仍入城已已

命貝勒阿巴泰德格類多爾袞岳託率副將八員官四十五員兵四千人俱作漢裝偕祖大壽率所屬兵三百五十人作潰奔狀襲取錦州是夜二更起行礮聲

不絕錦州城中聞之以為大凌河城中人得脫分  
路應援並為我軍擊敗會大霧人覲面不相識軍  
皆失陣伍乃收兵還十一月庚午朔

太宗諭諸貝勒曰與其留祖大壽於我國不如縱入錦州  
令其為我効力即彼叛而不來亦聽之若不使往倘明  
國別令人據守錦州寧遠則事難圖矣今縱大壽一人  
去而携其子姪及諸將士以歸厚加恩養再圖進取庶  
幾有濟遂

賜大壽宴

命石廷柱庫爾禪送之隨行廝卒二十六人皆與之馬及  
晚渡小凌河徒步還錦州是日大凌河歸降將士  
皆薙髮先是明步騎兵及工役商賈共三萬人及  
我軍圍之或戰死或餓死或相食至是存者萬一  
千六百八十二人馬三十餘

命斂軍中米二百三十三石分給之察出滿洲八人前此  
逃入者斬以徇其蒙古人有兄弟親戚在教漢奈

曼喀喇沁者仍歸各部落外尚存一千五百七十人選其精銳者

上與諸貝勒收養其餘分撥八旗官員及諸貝勒護衛並國中富戶撫恤乃悉毀大凌河至廣寧一路墩臺而還

小凌河城

城東南十八里週圍一里二百十八步東南二門

本朝康熙二十九年設佐領驍騎校  
駐防餘詳見山川卷小凌河注

天橋場城

城西南五十里週圍一里  
門一為控扼海口之地

本朝雍正元年設  
巡檢司於此

錦縣界內歷代舊有城址

古大人城

城內府治東相傳唐太宗  
征高麗時儲粟於此今圮

古虹螺山寨城

城西五十里考遼金元三史地理  
志俱無此寨名唐書亦不載其名

俗傳為渤海時所建週圍二十三  
里三百三十四步南三門今圮

安昌永和村城

城西九十五里遼置金因之元廢  
週圍二里一百十九步門四今圮

右屯衛城

城東南七十里元時為開陽縣之臨海  
鄉明洪武二十六年置廣寧右屯衛於

十三山堡明年移此葬公主寨故址以為衛治  
永樂中指揮徐琦李通築城週圍四里三百六



步高二丈九尺門三東曰領海南曰永安西曰  
迎恩池深八尺廣一丈週圍五里八十六步今  
城北池湮俗訛為牛頭衝城東有舊枯凌衝  
北為禿老子店村四里屯稍東為新莊屯南為  
曹官屯起  
屯雙屯

### 錦縣界內諸堡

#### 十三山堡

城東七十里週圍一里二十步 堡之  
西北曰戴家屯烏兒嶺屯南曰成化峪

新村  
甸村

#### 錦昌堡

城西二十里週圍二里二百步南一門我

太

祖高皇帝壬戌年征明撫  
降之今設汛焉

鷹手堡

城西三十里週圍一里三百步南一門

松山堡

城南十八里明時設中屯千戶所於此週圍三里一百二十步門三今仍分汛駐防

謹案

本朝崇德六年大軍取錦州克捷於此事蹟謹詳載

山川卷

松山注

大勝堡

城北三十里週圍一里四十七步門一我

太祖高皇帝壬戌年征明撫

降之今設汛焉

大茂堡

城北三十五里週圍一里一百步門一我

太祖高皇帝壬戌年征明撫

降之今設汛焉

高山堡

城東南二十五里週圍三百三十二步南一門

團山堡

城東南五十里週圍二百四十步門一又有一在城西南九十里週圍一百六十步

二門

杏山堡

城西南三十里週圍二里一百六十步東西二門今設汛於此

本朝崇德七年大軍取杏山堡事蹟謹詳

載山川卷松山注 堡東曰劉七屯

大興堡

城西南四十里週圍一里一百八十步門一

椴木衝堡

城西南五十里週圍一里門一

塔山堡

城西南六十里明宣德五年指揮李旺建設亭遠左屯衝於此週圍三里四十步

本朝崇德七年大軍取塔山堡事

蹟謹詳載山川卷塔山注

長寧堡

城西南七十里週圍一里一百三十四步門一

連山堡

城西南八十里週圍一里二百六十步門一

沙河堡

城西南八十里週圍一里一百三十四步門一堡之東為八家營子北曰穆家屯

十里

寺兒堡

城西南九十里週圍一里三百四十六步門一堡之東為萬寶城

流水堡

城東北二十里週圍二里三十四步門一

營城子堡

城東北三十里週圍一里六十步門一

石家堡

城東北四十里週圍一里一百二十步

臧家堡

城東北四十里週圍一里二百十步

齊家堡

城東北四十五里週圍一里

開州堡

城東北五十里週圍一里堡東曰魚子嶂臺我

太宗文皇帝辛未年征明攻降之

堡北曰靠塔屯

羅家屯夏家溝堡西曰於家屯白廟子

高橋鋪

城西南五十里週圍一里二十四步門一以上諸堡鋪皆錦縣駐防分汛地

寧遠州

州城即明遠衛城也本廣寧府前屯中屯二衛地

明宣德三年總兵巫凱都御史包懷德上狀請分  
二衛地於曹莊湯池之北建衛治賜名寧遠築城  
週圍五里一百九十六步高三丈門四東曰春和  
南曰延輝西曰永寧北曰威遠鐘鼓樓在中街池  
深一丈五尺週圍七里八步明季增築外城週圍  
九里一百二十四步高如內城門四東曰遠安南  
曰永清西曰迎恩北曰大定四角俱設層樓今因  
之乾隆四十二年奉

# 旨重修

謹案乾隆八年

皇上東巡有

御製寧遠道中作詩十九年有

御製題寧遠祖氏石坊詩四十三年有

御製寧遠道中作歌寧遠祖氏石坊疊舊作韻二首四

十八年有

御製寧遠道中作寧遠祖氏石坊并疊舊作韻二首俱

恭載

天章門

## 事蹟

謹稽

實錄天聰元年夏四月

太宗聞明人於錦州大凌河小凌河築城屯田五月辛未  
親率諸貝勒大臣由上榆林征明甲戌至廣寧舊邊

命貝勒德格類濟爾哈朗阿濟格岳託薩哈璘豪格率精

銳為前隊令諸將率棉甲軍携雲梯挨牌為後隊

乙亥入白土場乘夜進發前隊兵執明哨卒至知

右屯衛有兵防守小凌河大凌河修城未竣亦以

兵駐防錦州城繕修已畢馬步兵凡三萬丙子



太宗率兩黃旗兩白旗兵直趨大凌河明守城兵棄城遁  
大貝勒代善貝勒阿敏碩託率正紅鑲紅鑲藍旗  
兵直趨錦州遂圍其城貝勒莽古爾泰率正藍旗  
兵直趨右屯衛丁丑攻錦州城西隅垂克明總兵  
趙率教令城上三面守兵并力合拒辛巳明巡撫  
袁崇煥自寧遠遣二人齎書赴錦州與太監紀用  
為我哨兵所獲書中有調集水師援兵六七萬將  
至山海等語貝勒莽古爾泰濟爾哈朗等率偏師

至衛塔山運糧士卒前軍八十人與明兵二萬人  
遇擊却之丁亥額駙蘇納率蒙古兵往截塔山西  
路遇明兵二千進擊敗之獲馬一百五十餘壬辰

太宗率代善阿敏莽古爾泰濟爾哈朗等率兵三千往寧  
遠迎擊明援兵癸巳黎明至寧遠城北關明遊擊  
二員率步兵千二百餘人掘壕以車為營列火器  
守禦我兵面城列陣攻其步卒不移時盡殲之明  
總兵滿桂之兵及密雲兵於城東二里列陣沿城

環列鎗礮

太宗諭諸貝勒曰此地逼近城垣若即進攻難以盡力縱擊可稍退以觀動靜於是退軍踰山岡既而環視明兵堅壘不動

太宗欲進擊阿濟格請從代善阿敏莽古爾泰皆以距城近不可攻勸阻甚力

太宗命近御諸將及侍衛等皆冠兜鍪

諭曰昔

皇考攻寧遠不克今我攻錦州又未克若遇此野戰之兵  
尚不能勝其何以張我國威耶遂

親率阿濟格與諸將侍衛等疾馳進擊明前陣騎兵不能  
當敗走寧遠城下盡殪之屍填壕塹諸貝勒皆愧  
奮不及胄亦馳而進明兵大敗委棄甲仗徧地士  
卒死傷者無算是日我軍還駐雙樹堡六月己亥  
攻錦州城南隅因城壕深濶難以驟拔時值溽暑  
天氣炎蒸

太宗憫念士卒勞苦遂班師

中後所城

城西南八十里明宣德三年置前屯衛中後十戶所於此築城週圍三里一百

七十步高三丈門四東曰潤和南曰歌薰西曰說澤北曰寧瀾池深一丈廣二丈週圍四里二百步東南有閘廂城三面週圍二里十一步門二水曰威遠南曰鎮朔

本朝

康熙初設巡檢司及佐領驍騎校官兵駐防乾隆四十三年奉

旨重修

事蹟

謹稽

實錄崇德元年秋九月

世祖初嗣位遣鄭親王濟爾哈朗英親王阿濟格統師征  
明壬寅載紅衣礮及諸火器西發甲寅抵中後所  
乙卯薄暮移軍城北填平壕塹以紅衣礮攻城丙  
辰城頽遂用雲梯挨牌拔其城擒斬遊擊吳良弼  
都司王國安等二十餘員及馬步兵四千五百人  
俘四千餘人分兵畧前屯衛中前所等處俘四百  
人已未由寧遠衛進發庚申抵前屯衛立營柵運

挨牌雲梯紅衣礮於城西自亥時發礮攻城明日  
午時城破斬其總兵李輔明袁尚仁及副將以下  
官三十餘員兵四千餘俘二千餘人又分兵至中  
前所明總兵黃色棄城遁遂拔中前所俘千餘人  
先後獲鎗礮駝馬牛羊金銀等物無算

### 中前所城

城西南一百六十五里明宣德三年指  
揮葉興建置前屯十戶所於此週圍三

里八步高三丈門三東曰定遠西曰永望南無  
字池深一丈廣二丈週圍四里三百步

本朝康熙二十九年設佐領驍騎校駐防乾隆四十  
三年奉

吉重修十九年

皇上東巡有

御製中前街詩四十八年有

御製中後所中前所詩俱恭載

天章門

### 寧遠州界內歷代舊有城址

#### 南古城

城西三十五里週圍二百十  
六步門一建置年月無考

#### 海防五城

城南二里二百四十步週圍一百九十  
八步門一其二在城南四里半週圍一

百九十八步門一其三在城南五里週圍一里

一百步門一其四在城南六里二百八十八步

週圍一百九十八步門一其五在城南九里一

百八步週圍一百五十八步門一以上五城皆



明太監高起潛請建儲海  
運糧石於此今俱廢城圯

### 曹莊驛城

城西南十二里週圍一里一百二步門  
一明時設驛於此并築城防衛今裁

### 中右所城

城西南三十里即沙後所城明宣德三  
年建週圍三里七十二步門三東曰永

和南曰南薰西曰  
右定今城北池淤

### 東關驛城

城西南六十里週圍一里二百五十二  
步門一明時設驛於此并築城防衛今

裁驛南曰三里橋村北曰  
望海甸村又西南曰圍河屯

### 沙河所城

城西南一百里週圍一里二百二十六  
步門一亦曰沙河驛明置驛於此今廢

城圯乾隆四十三年  
皇上東巡過此有

天章門

### 前屯衛所

城西南一百三十里本唐時瑞州地遼改來州金復舊元因之明洪武己卯都

指揮曹毅因舊址修築土城週圍五里三十步高三丈五尺宣德正統間脩禦畢恭等前後

砌門三東曰崇禮西曰武寧南曰迎恩池深一丈濶二丈週圍六里二百步今城圯池淤

城東北曰平山營城東曰高兒營

### 高嶺驛城

城西南一百五十里週圍一里七十八步門一明時設驛於此并築城防衛今

裁

### 北古城

城西北三十里週圍一里一百二十步門四建置年月無考

寧遠州界內諸堡

雙樹舖堡

城東十八里週  
圓二里門二

楊安堡

城西十二里週  
圓一里門一

團山堡

城西三十里週  
圓七十二步門一

仙靈寺堡

城西四十里週  
圓一里門一

黑莊窠堡

城西五十里週  
圓二百八十八步門一

錦川堡

城西六十五里  
週圓一里門一

劉彥章堡

城西七十里週  
圓一里門一

三道溝堡

城西八十五里週圍三百二十八步門一

高臺堡

城西八十五里週圍一里四十二步門一

瑞昌堡

城西一百五里週圍三百三十步門一

平川營堡

城西一百二十里週圍三百五十二步門一

三山營堡

城西一百三十七步週圍二百三十二步門一

背陰嶂堡

城西一百四十八里週圍三百五十二步門一

鎮邊堡

城北十八里週圍一里門一俗名燕兒山堡

鹽場堡

城西南二十五里週圍一百二十四步我

太祖高皇帝辛酉年征明撫

降之今設汎馬

曲尺河堡

城西南四十八里週圍  
二里四十四步門一

高兒鋪堡

城西南一百十五里週圍一里二  
十二步門二東曰賓和西曰漢膏

灰山堡

城東北二十里週圍  
一里三十六步門一

興水縣堡

城西北十八里週圍一里十四  
步門一南關廂三百八十步

正安堡

城西北二十里週圍一里  
二十步俗名白塔峪我

太祖高皇帝壬戌年征明撫降之以上

諸城堡皆寧遠駐防分汎地

寧遠縣

縣城即明廣寧中左右三衛地金時置廣寧府元  
為廣寧路明洪武間指揮王雄因舊址修築都督  
劉真甃砌永樂間總兵劉江增展東南闕弘治間  
備禦胡忠展西隅正德間備禦李溱展南關週圍  
五百四十六丈池深一丈五尺廣二丈週圍十一  
里四十五步後展新城週圍十七里門六東曰永  
安南曰迎恩西曰拱鎮北曰靖遠東南曰泰安其  
西南一門土塞角樓四座西曰瞻秀北曰鎮朔東

南曰柔遠西南曰望京鐘樓在大市東街鼓樓在  
大市北街嘉靖丁酉都御史任洛總兵馬永重修  
今按城週圍十里二百八十步高三丈五尺厚一  
丈五尺南關廂三面週圍三里二百二十步門三  
東曰宣化南曰迎恩西曰振武內城與關廂共十  
四里二百四十步乾隆四十三年奉

### 旨重修

謹案乾隆十九年四十二年四十八年  
皇上東巡皆有

御製廣寧道中詩並廣寧詠熊廷弼王化貞事詩恭載  
天章門

事蹟

謹稽

實錄天命七年春正月

太祖留族弟鐸弼貝和齊及額駙蘇巴海統兵守遼陽

親率貝勒大臣統師征明乙卯次遼河之東昌堡丙辰寅

刻大軍起營辰刻渡遼河明防河兵見我軍勢不

可當遂遁走我軍前隊精銳追擊二十里外至西



平堡乃止申刻大軍繼至圍之丁巳招其城守副  
將羅一貴降不從辰刻布梯楯攻其城四面兵皆  
潰午刻克之一貴及兵萬人俱殲焉尚未收軍偵  
者馳告廣寧城兵至我軍迎擊未及成列明總兵  
劉渠祁秉忠李秉誠副將劉徵鮑承先叅將黑雲  
鶴麻承宗祖大壽遊擊羅萬言李茂春張明先等  
引兵三萬乘機急戰我兵不暇布陣即飛馳突入  
奮射衝擊明兵力不能支我軍乘勝追擊斬殺無

算至平洋橋堡劉渠祁秉忠及劉徵黑雲鶴李茂  
春張明先戰死全軍盡沒惟李秉誠鮑承先祖大  
壽羅萬言遁去會暮還軍

太祖駐蹕西平堡明敗兵入廣寧城明經畧熊廷弼巡撫  
王化貞知西平堡已失援兵盡殪遂與監軍道高  
出通判萬有孚等棄城入山海關巡道高邦佐奔  
至杏山驛自縊死其廣寧守門遊擊孫得功守備  
黃進千總郎紹貞陸國志等遣七人來乞降

賜以銀及信牌遣還戊午西興堡備禦朱世勳遣中軍王

志高乞降亦

賜以銀及信牌遣還是日論諸將士功以所俘獲分別賞  
賚餘者給散衆軍已未大軍起行赴廣寧有我國  
人石天柱者前投明為千總至是偕秀才郭肇基  
出迎曰守城官吏皆遁我等已守禁門矣

太祖賜以所乘鞍馬及令旗一又正安堡千總來降  
賜以信牌二並遣還庚申大軍行至廣寧城東三里許之

望昌岡城中比戶焚香紳士庶民備乘輿設鼓樂  
執旗張蓋俯伏迎謁未刻入城

駐蹕巡撫公解明遊擊羅萬言前逃入山至是來降其平  
洋橋守堡閔雲龍西興堡備禦朱世勳錦州都司  
陳尚智鐵場守堡俞鴻漸大凌河遊擊何世延錦  
安守堡鄭登右屯衛備禦黃宗魯團山守堡崔盡  
忠鎮寧守堡李詩鎮遠守堡徐鎮靜鎮安守堡鄭  
維翰鎮靜堡叅將劉世勳守堡臧國祚鎮邊守堡

周元勳大清堡遊擊陶印大康守堡王國泰鎮武  
都司金礪劉式章李維龍王有功及閭陽驛十三  
山站小凌河松山杏山牽馬嶺正安錦昌中安大  
寧太平大安大定大茂大勝大興盤山驛四十餘  
城之官各率所屬兵民來降

太祖駐軍十日從廣寧城移軍向山海關明經畧熊廷弼  
盡焚沿途村堡廬舍而走大軍至中左所乃還大  
貝勒代善與

四貝勒率兵往義州移其戶口至則閉門以拒招諭不從  
遂攻克之斬其駐守兵三千

太祖還駐廣寧二月癸未

駕還遼陽留諸貝勒統兵守廣寧城以河西歸降各城堡  
官民移之河東時有西平堡遁去副將鮑承先亦  
來歸

白土廠城

城北六十里週圍一里一百二十步  
門一即白土廠邊門詳見關郵卷

巨流河城

城東北二  
百三十里

本朝崇德元年建週圍二里門三南曰拱固西  
曰鎮西北曰鎮邊康熙二十年置巡檢司  
於此乾隆四十二年移駐鳳凰城四十三年  
奉

旨重修

城南有古開城西

曰郭家堡新民屯

廣寧縣界內歷代舊有城池

高麗坂城

城東三十三里  
週圍一里今圮

羊腸河城

城東四十五里  
週圍一里今圮

小黑山城

城東六十里週圍二里六十八步門  
一城之北曰圍臺項家屯常屯

大黑山城

城東七十里週圍二里一百五  
十步門一城南曰十里牧

盤山驛城

城東南五十里週圍二百六十步門一明時置驛於此今截

鐘秀古城

城西南三里週圍二里二十步金時縣治明時置千戶所於此餘詳古蹟郡縣

注

閻陽驛城

城西南三十里週圍二里五十步南二門金時縣治明時置驛於此今截

驛東曰鄂陀堡望山堡北曰

陳興堡臺西北曰寧東堡

高城

在閻陽驛城西相傳為唐太宗征高麗時屯兵處今圯

廣寧縣界內諸堡

土堡子

城東三十里週圍一里



中安堡

城東三十里週圍一里七十二步門一

白旗堡

城東一百六十里週圍一里

本朝康熙二十九年設佐領驍騎校駐防

乾隆十七年移前屯衛巡檢駐此

穿心堡

城東六十三里週圍一里

馬市堡

城北二十里週圍一里一百六十步門一

鎮東堡

城北四十里週圍二里一百二十步門一

太祖高皇帝辛酉年征明撫降之今設汎焉

高平堡

城東南九十里週圍一里八十二步東西二門堡南曰鎮武堡北曰魏家城

平洋橋堡

城東南一百二十里週圍二百七十九步門一我

太祖高皇帝壬戌年征明撫降之今設汎馬堡之西

曰羊園子屯南曰徐家屯北曰遠勒鄂謨

傅家莊堡

城東南一百二十里週圍三百三十一步門一

沙嶺堡

城東南一百五十里週圍二里門一堡西南曰天成堡杜家臺村光象臺村

鐵場堡

城東南一百六十里週圍二里八十步東西二門明時設鐵場百戶所於此今設汎

馬

北鎮堡

城西南三十里週圍一里一百二十六步南北二門

中安堡

城東北三十里週圍二里三百二十步門一我

太祖高皇帝壬戌年征明撫

降之今設汎馬

鎮安堡

城東北五十里週圍二里二百八十五里門一我

太祖高皇帝壬戌年征明撫降之

堡北曰蒼麥冲紅石槽

長永堡

城西北醫巫閭山之北週圍一里有奇門一我

太祖高皇帝辛酉年征明撫降之 以上

諸城堡皆廣寧駐防分汎地

義州

州城本明義州及廣寧後屯二衛地遼時為宜州

宗義軍金改義州統弘政開義同昌三縣元因之

明改衛洪武二十二年指揮何浩仍舊修築永樂  
宣德間都指揮楚勇甃砌週圍九里十步高三丈  
門四東曰熙春南曰永清西曰慶豐北曰安泰池  
深一丈五尺廣三丈八尺週圍九里一百六十六  
步

本朝初屬廣寧康熙十六年陸續修葺置城守及巡  
檢司雍正十二年設義州乾隆四十三年奉

旨重修

義州界內歷代舊有城址

馬嶺驛城

城東四十五里週圍一里門  
一明時築城置驛於此今裁

新站城

城東四十里週圍一里一百  
四十二步其建自何代無考

古饒慶城

城西五十里金置週圍一里今  
圮俗訛為饒慶縣城詳見古蹟

三角城

城東南五十里週圍  
二百五十五步門一

營城

城東北二十  
里週圍一里

王半城

城東北三十里週圍一里門一  
以上三城建自何代無考

大棘城

城西北古顯頊之墟慕  
容鹿曾都此今無考

義州界內諸堡

永寧舖堡

城東二十里週圍二里一百八十步門一

德勝堡

城西十五里週圍一里

大康堡

城西二十里週圍二里門一我

太祖高皇帝

壬戌年征明撫降之今設汎馬

太平堡

城西二十餘里週圍一里一百八十步門一我

太祖高皇帝

壬戌年征明撫降之今設汎馬

齊家堡

城南四十五里

景家堡

城東南二十里週圍一里一百八十步

石佛堡

城東南四十里

破城子堡

城西南二十里週圍五里

八塔堡

城西南二十五里週圍一里一百八十步

團山堡

城西南三十里週圍二里門一我

太祖高皇帝

壬戌年征明撫降之今設汎焉

大安堡

城西南三十里週圍一里一百八十步門一我

太祖高皇帝

壬戌年征明撫降之今設汎焉 堡之西北為二佛廟近九官臺邊門又西為孔家房身李

三九接松

嶺子邊門

孫凌堡

城西南三十里  
週圍一里門一

大定堡

城西南四十里週圍二里門一我

太祖高皇帝壬戌年征明撫降之今設汎馬

堡之南曰老邊屯西南曰張網屯

正義堡

城東北十八里存一碑  
堡之北曰趙家屯

大寧堡

城東北三十里週圍一里一百八十步我

太祖高皇帝壬戌年征明撫降之今設汎

馬堡之東為望民屯望賓屯

大清堡

城東北五十里週圍二里三十步門一我



太祖高皇帝壬戌年征明撫

降之今設汎焉

大靜堡

城東北六十里  
週圍二里門一

鎮彝堡

城東北六十里週圍三  
里一百八十步門一

瓦子峪堡

城東北六十五里週圍二里  
上諸城堡皆義州駐防分汎地  
以

欽定盛京通志卷三十